



UNIVERSITÄTS-
BIBLIOTHEK
PADERBORN

**Conradi Oligenii J. C. Dissertatio De Primariis Precibus
Imperialibus**

Corradini, Pietro Marcellino

Friburgi Brisgoiae, 1707

XXXVI. Omnes Friderici successores indultum primariarum Precum
petierunt.

[urn:nbn:de:hbz:466:1-63022](https://nbn-resolving.org/urn:nbn:de:hbz:466:1-63022)

permitti, præservatum fuisse laicæ pote-
stati.

Hæc autem eo amplius firmantur, quod Fridericus ipse, qui concordiam iniit, præcedenter agnoverat, sine indulto Pontificio perperam Ordinarios premere primariis Precibus ad conferendum, potuisse; quippe is vix reconciliatus Eugenio IV., indultum nominandi ad centum Beneficia impetravit, quo non indignisset, si putasset se Precum vigore ad longe plura Beneficia jus nominandi habere: & sane patet Fridericum tunc primarias Preces non direxisse, dum post concordata indultum primariarum à Nicolao V. successore Eugenii obtinuit, ut infra exponam.

At res in propatulo est, si exempla ejusdem Friderici, & successorum omnium, usque ad gloriosissimum Imperium Leopoldi Patris Augustissimi Imperatoris, nupero inaugurati, perquiramus; omnes namque post concordata jam dicta indultum Apostolicum primariarum Precum curriculo fere trium sæculorum obtinuerunt; neque Germani Ordinarii, sine indulto Pontificio Imperialibus Precibus obsequuti sunt: quin si aliquando in indultis derogatum non fuisset Concordatis, vel post indultum leges Pontificia

XXXV.

Fridericus III. agnoscit irritas Preces primarias sine indulto Pontificio.

VIXX

Concordata
in gratiam
Germani
cum concordatis

XXXVI.

Omnes Friderici successores indultum primariarum Precum petierunt.

46 *De primariis Precibus Imperialibus*

latae essent, quae Precibus contradicerent, eas exequi renuerunt. Haec res manifestum facit Concordata sustulisse abusum, qui antea irrepererat, & Imperatores, Germaniamque universam in eam ivisse sententiam, ut sine privilegio Papae non liceret Imperatoribus Praeces primarias suo jure dirigere. Hinc apparet diplomata Praecum nuper ab Augustissimo Imperatore directa non haerere exemplo praedecessorum; si praedecessores omnes, uno Augustissimo Leopoldo excepto (de quo infra verba faciam) sine indulto Apostolico hasce Praeces nequaquam direxerunt: quae omnia patent ex sequentibus indultis, mihi ab amico in Curia Romana commorante transmissis; quorum originalia non dubito in Archivis Imperialibus juxta ac Pontificiis adhuc servari. Diximus Fridericum III. vix Romanae Ecclesiae reconciliatum, ab Eugenio IV. ante Concordata indultum nominandi ad centum Beneficia personas idoneas impetrasse, uti narratur in secundo indulto Nicolai V. mox referendo: diximus etiam post concordata subscripta statim eundem Imperatorem Nicolao V. supplicasse pro indulto primarium Praecum, quod probatur ex formula indulti Nicolai V. in hunc modum concepta: